

Kapitalni grantovi:

a. **615** - Korištenje sredstava kapitalnih grantova pojedincima i neprofitnim organizacijama Općinski načelnik vršit će u skladu sa utvrđenom namjenom, u skladu sa Programom Fonda prostornog uređenja i potpisanih sporazuma, te zaključkom načelnika na osnovu opravdanog zahtjeva korisnika.

Kapitalni transferi neprofitnim organizacijama, čiji krajnji korisnici su utvđeni u budžetu biće doznačeni na osnovu potписанog protokola ili sporazuma o dodjeli sredstava.

U okviru kapitalnih izdataka pojedincima-u programu naplate i usmjeravanja sredstava od naknade za uređenje građevinskog zemljišta planirana je i obnova stambenih objekata pojedincima. Od ukupno planiranih sredstava na ovoj stavci ostavlja se mogućnost općinskom načelniku da do 10% sredstava usmjeri na finansiranje ugradnje građevinskog materijala porodicama u stanju socijalne potrebe, što će se pobliže odrediti odgovarajućim Pravilnikom općinskog načelnika.

Također, u okviru ovog konta planirana su sredstva pojedincima u svrhu pomoći pri sanaciji šteta na imovini nastalih uslijed prirodnih nepogoda, a odobravaju se Zaključkom općinskog načelnika.

Zatim u okviru kapitalnih grantova pojedincima planirana je dodjela sredstava za izgradnju poljoprivrednih objekata i sanaciju krovova poljoprivrednih objekata koja će se doznačiti pojedincima na osnovu raspisanog javnog poziva. Nadležna općinska služba će donijeti pravilnik na osnovu kojeg će se raspisati javni poziv. Korisnici ovih sredstava će bit isključivo poljoprivrednici koji namjeravaju sanirati objekte u kojima boravi stoka. Uslovi i kriteriji dodjele pomenutih sredstava biće precizirani u Javnom pozivu.

b. **Sredstva Fonda prostornog uređenja** raspoređena programom trošit će se u skladu sa planom programa, potpisanim ugovorima i sporazumima, a Program je sastavni dio budžeta općine Trnovo za 2022. godinu.

Kapitalni transferi javnim preduzećima - planirani kao grantovska sredstva u Programu naplate i usmjeravanja sredstava od rente i uređenje dodjelit će se u skladu sa potpisanim sporazumom o dodjeli grantovskih sredstava a u svrhu provođenja planskih aktivnosti preduzeća usvojenih od strane skupštine preduzeća.

Sredstva za naprijed navedene stavke će se usmjeravati prema prilivu sredstava.

Za usmjeravanje i upotrebu sredstava zadužuje se Općinski Načelnik.

Dio sredstava prikupljenih od kapitalnih primitaka prodajom zemljišta usmjeriće se na finansiranje troškova u cilju održivog funkcionisanja organa, te za izmirenje troškova vještaka i drugih zavisnih troškova oko implementacije Programa.

Namjenska sredstva koristiće se u skladu sa namjenom i važećim Zakonima iz oblasti na koju se odnosi vrsta prihoda.

Član 2.

Ova Odluka stupa danom donošenja i objavit će se u "Službenim novinama Kantona Sarajevo", a primjenjivat će se za fiskalnu 2022. godine

Broj 01-04-1804
20. maja 2022. godine
Trnovo

Predsjedavajuća
Općinskog vijeća Trnovo
Amina Dedić, s. r.

Na osnovu člana 29. tačka 5. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03, 22/06 i 43/10), člana 5. Pravilnika o načinu i funkcioniranju štabova i povjerenika civilne zaštite ("Službene novine Federacije BiH", broj 77/06 i 5/07), člana 2. Odluke o organizaciji Jedinstvenog općinskog organa uprave i posebnih službi općine Trnovo ("Službene novine Kantona Sarajevo", broj 39/21) i člana 24. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 9. sjednici održanoj 17.05.2022. godine, donijelo je

ODLUKU O OSNIVANJU OPĆINSKOG ŠTABA CIVILNE ZAŠTITE OPĆINE TRNOVO

I - OSNOVNE ODREDBE

Član 1.

Ovom Odlukom osniva se Općinski štab civilne zaštite općine Trnovo (u daljem tekstu: Općinski štab), kao stručno-operativni organ Općine Trnovo, za zaštitu i spašavanje ljudi i materijalnih dobara od prirodnih i drugih nesreća, uređuje njihov djelokrug rada, unutrašnja organizacija, popuna, finansiranje, opremanje, obučavanje i osposobljavanje, te druga pitanja od značaja za organizaciju i rad Općinskog štaba.

**II - NADLEŽNOST OPĆINSKOG ŠTABA I NAČIN
OSTVARIVANJA FUNKCIJE**

Član 2.

Općinski štab je stručno-operativni organ koji je ovlašten za vršenje poslova koji su mu Zakonom o zaštiti ljudi i materijalnih dobara od prirodnih i drugih nesreća (u daljem tekstu Zakon), stavljeni u nadležnost.

U vršenju poslova iz svoje nadležnosti, Općinski štab funkcioniše u miru samo onda kada Općinski načelnik proglaši nastanak prirodne ili druge nesreće na području Općine Trnovo, odnosno kad treba preventivno djelovati prije nastanka prirodne i druge nesreće, kao i za vrijeme vježbi civilne zaštite, a u ratu funkcioniše stalno.

Kada ne postoje prirodne ili druge nesreće, Općinski štab svoje funkcije ostvaruje povremeno, prema potrebi i to onda kada razmatra stanje priprema, organizovanost, opremljenost i osposobljenost za zaštitu i spašavanje svih nosilaca zaštite i spašavanja na području Općine Trnovo i predlaže mjere za dogradnju sistema civilne zaštite i spašavanja i kada djeluje preventivno u cilju sprječavanja nastajanja prirodne ili druge nesreće i učestvuje u vježbama i drugim vidovima obučavanja i osposobljavanja.

III - ORGANIZACIJA I SASTAV OPĆINSKOG ŠTABA

Član 3.

Općinski štab se sastoji od: komandanta, načelnika i članova štaba.

Član 4.

Općinski načelnik po položaju je komandant Općinskog štaba.

Član 5.

Pomoćnik rukovodioca organa državne službe u Službi za civilnu zaštitu, inspekcijske i zajedničke poslove općine (u daljem tekstu: Služba), po položaju je načelnik Općinskog štaba.

Član 6.

Sekretar općinske organizacije Crvenog križa, po položaju je član Općinskog štaba.

Član 7.

Za članove Općinskog štaba, postavljaju se rukovodiovi općinskih službi za upravu, rukovodiovi javnih preduzeća i drugih organa i institucija čija je djelatnost od značaja za zaštitu i spašavanje i to:

1. Pomoćnik rukovodioca organa državne službe u Službi za opću upravu, društvene djelatnosti, boračko-invalidsku, dječiju i socijalnu zaštitu;
2. Pomoćnik rukovodioca organa državne službe u Službi za urbanizam, građenje, stambeno-komunalne poslove i zaštitu čovjekove okoline;
3. Pomoćnik rukovodioca organa državne službe u Službi za geodetske, imovinsko-pravne poslove i katastar nekretnina;
4. Pomoćnik rukovodioca organa državne službe u Službi za privredu i finansije,
5. Pomoćnik rukovodioca organa državne službe u Službi za investicije, lokalni ekonomski razvoj, informacione sisteme i odnose s javnošću;
6. Komandir Policijske stanice Trnovo;
7. Direktor JKP "Trnovo" d.o.o. Trnovo;
8. Predsjednik Vatrogasnog društva "Trnovo".

Član 8.

Načelnika i članove općinskog štaba postavlja i razrješava općinski načelnik na prijedlog pomoćnika rukovodioca organa državne službe koji je dužan obezbijediti dosljednu primjenu kriterija iz odredbe člana 7. ove Odluke.

Štab civilne zaštite ima sekretara, koji obavlja administrativno-tehničke poslove za potrebe istog, kojeg posebnim rješenjem određuje komandant Općinskog štaba iz reda uposlenika Službe i istom pripada naknada za obavljanje navedenih poslova.

Član 9.

Općinski štab vrši poslove iz svoje nadležnosti samostalno i za svoj rad odgovoran je Općinskom načelniku.

Član 10.

U izvršavanju složenih zadataka zaštite i spašavanja Općinski štab može angažovati i druge državne službenike iz općinskih službi za upravu i eksperte na profesionalnom radu u naučnim institucijama i drugim pravnim licima.

U angažovanju lica iz stava 1. ovoga člana, odlučuje komandant Općinskog štaba na prijedlog načelnika ili nekog od članova Općinskog štaba.

Član 11.

Sjednice Općinskog štaba saziva i njima predsjedava komandant Općinskog štaba.

U slučaju da je komandant sprječen da vrši svoju funkciju, sjednice Općinskog štaba saziva i predsjedava načelnik Općinskog štaba.

Općinski štab će donijeti Poslovnik o svom radu.

Član 12.

Općinski štab ima svoj pečat koji se izdaje u skladu sa Zakonom o pečatu.

Član 13.

Sjedište Općinskog štaba je u Trnovu, a sjednice se održavaju u mjestu određenom u Poslovniku o radu Općinskog štaba.

IV - STRUČNA SLUŽBA OPĆINSKOG ŠTABA

Član 14.

Funkciju stručne službe Općinskog štaba vrši Služba za civilnu zaštitu, inspekcijske i zajedničke poslove općine.

U vršenju poslova u funkciji stručne službe, Služba obavlja administrativne, tehničke i druge poslove neophodne za rad Općinskog štaba.

V - OPREMA I FINANSIRANJE OPĆINSKOG ŠTABA

Član 15.

Općinski štab se oprema odgovarajućom opremom i materijalno tehničkim sredstvima koja su neophodna za ličnu zaštitu članova štaba i za izvršavanje dužnosti iz njegove nadležnosti.

Član 16.

Sredstva za finansiranje Općinskog štaba obezbjeđuju se u Budžetu općine, kao i iz sredstava iz člana 180. Zakona i drugih donacija.

VI - PRELAZNE I ZAVRŠNE ODREDBE

Član 17.

Imenovanje komandanta, načelnika i članova Općinskog štaba izvršiti će se najkasnije u roku od petnaest dana od dana stupanja na snagu ove Odluke.

Član 18.

Danom stupanja na snagu ove Odluke prestaje da važi Odluka o osnivanju općinskog štaba civilne zaštite općine Trnovo ("Službene novine Kantona Sarajevo", broj 3/18).

Član 19.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-1810/22

20. maja 2022. godine

Trnovo

Predsjedavajuća

Općinskog vijeća Trnovo

Amina Dedić, s. r.

**ZAVOD ZA INFORMATIKU I STATISTIKU
KANTONA SARAJEVO**

Na osnovu člana 3., 10. i 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 25. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 36/21), člana 7. i 55. Zakona o radu ("Službene novine Federacije BiH", broj 26/16 i 89/18), člana 20., 22., 23., 33. i 87. Zakona o zaštiti na radu ("Službene novine Federacije BiH", broj 79/20), Akta o procjeni rizika, broj 009-4/22, saglasnosti Sindikalne organizacije kantonalnih organa državne službe Kantona Sarajevo i mišljenja Ministarstva pravde i uprave Kantona Sarajevo, Ministarstva finansija Kantona Sarajevo i Ureda za zakonodavstvo Vlade Kantona Sarajevo, direktor Zavoda za informatiku i statistiku Kantona Sarajevo donosi

PRAVILNIK**O ZAŠТИTI I SIGURNOSTI NA RADU U ZAVODU ZA
INFORMATIKU I STATISTIKU KANTONA SARAJEVO**

Član 1.

(Predmet regulisanja)

Ovim Pravilnikom o zaštiti i sigurnosti na radu u Zavodu za informatiku i statistiku Kantona Sarajevo (u dalnjem tekstu: Pravilnik) utvrđuju se prava, obaveze i odgovornosti Zavoda za informatiku i statistiku Kantona Sarajevo (u dalnjem tekstu: